

M T V M R V M E N T V M
PRIMI MOBILIS A PETRO APIANO

CAROLVS Quintus Diuina fauente clementia Romanorum
Imperator semper Augustus, ac Germaniæ, Hispaniarū, vtriusq; Siciliæ, Hierusalem, Hungariæ, Dalmatiæ, Croatiæ, &c. Rex, Archidux Austriae, Dux Burgundiæ, Brabantiae, &c. Comes Habsburgi, Flandriæ, Tyrolis &c. Vniuersis & singulis notum esse uolumus. Quum noster & Imperij sacri fidelis, dilectus Petrus Apianus Mathematicæ rei in primis peritus, nobis humilime supplicauerit, quòd Ephemerides quasdam, unà cum alijs infra commemoratis opusculis, maximo suo sumptu, parit̃ tum inuentionis tum æditionis labore, in communem bonorum studiosorumq; omnium usum candide & humaniter ædere secum constituerit, Vereaturq; iam ne eadem ab alijs quoq; qui ex alterius incommodo suum aucupari contendunt commodum, quicq; alieno labore beneparta, in suum ipsorum male conuertit̃ usum, imprimerentur, id quod in suum haud uulgare detrimentum redundaret, quatenus Præuilegij nostri prærogatiua ad certum annorum numerum, in quo nemo planè illud tentare auderet, se adiuuare dignaremur, Quumq; nos eorū, qui tum opera diligentia ac sedula, tum uigilantia sua non mediocri, quam & prouehendis bonis artibus gnauiter impendunt, & inuulgandis utilibus libris nulli nec sumptui parcentes nec labori, liberaliter insumunt, Reipub: insigniter prodesse solēt, eorum lumentum promouere, contra dispendium amouere, pro germano & innato nobis ad eximia honestissimaq; ingenuarum artium studia fauore studeamus, sit ut facilius Apiano quoq; prædictis precibus eiusdem & supplicij petitioni condescendētes, Gratiam nostrā hac in re impertiamus singularem. Omnibus itaq; & singulis Chalcographis, Bibliopolis, & quibusuis alijs tenore præsentis districtè inhibemus, ne uidelicet infrascriptos libros, quos prænominatus Apianus uel iam ædificari destinauit, uel æditurus, erudit̃s omnibus in publicum cōmunicaturus est unquam, puta Ephemerides ab anno salutis nostræ Millesimo quingentesimo tricesimo quarto ad Septuagesimum pra Millesimum & quingentesimum duraturas, præterea libros de Vmbris, Centiloquiū Arithmetices: & alium adhuc de Arithmetica libellum, cum Regulis Cossæ demonstratis: De mensuratione uasorum cum artificiali partis uacuae inuentione: Schedulas diarias siue Almanak cum iudicij annalibus, seu (ut uulgus loquitur) Practicis, quibus aeris mutationes, dierumq; electiōes singulæ continentur: Libros item de coniunctionibus: Ptolemæum ex nouissima illa Vuilibaldi Pyckameri translatione, antehac nuncq; æditum, cum Tabulis correctissimis, & in quadrangularem figuram (cuiusmodi hætenus excusæ non sunt) conformatis: Ptolemæi etiā libros Græce, erudit̃s eos sanè, & (quod tanto authore dignissimum erat) elegantes, natiuamq; illā suam gratiam in propria lingua retinentes: Librum de Eclipsibus: Librum Azophi Astrologi uetustissimi: Libros Gebri: Vitellionis quoq; authoris antiquissimi simul ac doctissimi Perspectiuam, opus & ingens & ipsa materiæ iucunditate laudatissimum: Astronomicum Imperatorium: Librum de diebus Criticis: Libros de Iride: Tabulas resolutas iam per eundem recens supputatas: Radium nouū Astronomicum, simulq; & Geometricum, unà cum uario Sinuum & Chordarum usu: Librum de Speculo ad pulcherrimas dimensiones apte ad commodat̃: Introductionem Cosmographicam cum omnis generis obseruationibus itidem per sinus & chordas, adiuncto insuper Meteoroscopio duplici, plano & (quod inauditum erit plerisq;) numerorum, Astrolabiumq; numerorum uniuersale, ut recens ita utilissimum: Tabulas seu Mappas, ut uocant, uniuersi terrarum orbis generales, aut etiam quarundam Regionum seu Prouinciarum particulares: & quicquid in Mathematicis dictus Apianus sub Titulo & nomine suo, aut si qua aliena rerum Mathematicarū monumenta prius neutiquā excusæ, sua uero iam industria recognita & restaurata, uel etiam figuris tantum illustrata, per quoscunq; uolet Impressores, in lucem ædiderit, intra spacium triginta annorum, ab ipso æditionis die computando, præter suam ipsius uoluntatem, excudant, seu excudere faciant, neq; sic excusos uenum exponant seu uendant, sub pœna Decem Marcharum Auri puri, pro una Camera nostræ Imperiali, altera uero medietate dicto Apiano irremissibiliter exoluendarum, tum amissionis librorum sic ad æmulationem excusorum, quos ubicunq; locorum nactus fuerit, per se siue suos, aut adiumento Magistratus eius loci, sibi uendicare & in potestatem suam rectigere poterit. Harum testimonio literarum Sigilli nostri appensione munitarum. Datum in Ciuitate nostra Imperiali Ratispona, die tertia Mensis Iulij, Anno Domini Millesimo Quingentesimo Tricesimo secundo, Imperij nostri Duodecimo, & aliorū Regnorum nostrorū Decimo septimo.



ANNO M. D. C. LXXIIII. MENSIS IULII. DIE TERTIA. RATIONE ANNO M. D. C. LXXIIII.